

Melanthon,  
Bedencken auff's Interim  
1548.

V  
g  
4345

Q. XVII. 555<sup>e</sup>

Kat. 28<sup>6</sup>  
(Acc. 3395 de 1882)



2)





9  
2

**Sedencken auffß  
INTERIM  
Des Ehrwürdigen  
vnd Hochgelarten  
Herrn**

**PHILIPPI MELANTHONIS▷**

**M▷ D▷ XLVIII▷**

1595. 3395

Faint, illegible text, possibly bleed-through from the reverse side of the page.





**V**s ist die Vorrede die  
newlich für das Buch gemacht  
ist nicht zugestalt / Darumb ytza  
undt wir danon kein meldung  
thun können / Wir Vernemen  
aber / das es eine sehr beschwer-  
liche schrift sey / Wo nhun diese meynung  
darynn ist / das sie vnseren Kirchen verdammen /  
Vnd das die annemung dieses Buchs ein be-  
kentnis sey / Als haben vnseren Kirchen anher  
vnrecht gelert / Vnd haben mutwillige spal-  
tungen angericht / So ist aller vorstendigen in  
vnsern Kirchen notturfft / dieses zuorantwor-  
ten / Denn so wir vns nach erkantter Wahrheit  
des Euangelij / selbst also straffen / vnd vns zu  
verfolgung der selbigen erkanten wahrheit ver-  
pflichten würden / Dieses Were Gottes Festen-  
rung die nicht vergeben würde / dauor vns Gott  
gnedigklich behüten wolle.

Wiewol nahn Kriegl vnd zerstörung ge-  
drewet werden / So sollen wir dennoch Gots  
tes Gebodt höher achten / Nemlich das wir er-  
kante Wahrheit des Euangelij nicht verleug-  
nen sollen.

Zum Andern so ist auch die lehr vom Son  
Gottes / vnd vergebung der Sünden / Ein beson-  
der Kadt Gottes / Denn Gott vnaussprech-  
licher Barmhertzigkeit geoffenbaret hat / Vnd  
wil das alle Menschen die selbige lehr erhalten  
A ij helfen /

helffen / dardurch inn recht anzuruffen vnd seligkeit zu erlangen.

Nuhn hat der Teuffel von Adams zeiten an / für vnnd für viel list versucht / diese lehr auß zuleschen / oder zuerduncckeln / wie die Exempel schrecklich beweisen.

Darumb sollen wir vns vleysig hütten / das wir nicht von rechter lehr Abgefüret werden / wie vns Gott offft sehr warnet vnnd vermanet.

Zum dritten so wol man auch bedenccken / So man in Kirchen dieser landt öffentlichen / vn rechte lehr vnd Abgötterey widerumb anrichten würde / Wie gross ergernis inn vnsern Kirchen verursacht würde / Denn viel Gottfürchtige leut wurden in grosse betrübnis fallen / vnd würd der rechte anruffung Gottes verhindert.

Aus diesen hochwichtigen vrsachen / wol man sich in dieser sache wol fürsehen / was man schliessen wolle.

Wir streiten nicht aus eygnem freuel / fürwitz oder stoltz / Wie vns von etlichen auffgelegt wirdt / Gott der aller Menschen hertzen kendet / Der weis das wir hertzlich gern frieden sehen vnd selbst haben wolten.

Vns dringet aber zur bekentnis der rechten lehr / Die in vnsern Kirchen Gepredigt wirdt /  
dieses

dieses ernstlich gebot / das man erkante leer der  
Warheit des Euangeltij nicht verleugnen vnd  
nicht verfolgen solle / wöllen auch vnser gefers  
lichkeit Gott befehlen.

Vnd nach dem man nuhn ihm wercke bes  
findet / das die Bisschoff vnd jr anhangt keine  
vergleichung annemen wöllen / vnd die vnei  
nigkeit inn der leer / vnd etlichen Ceremonien  
gleich wol bleiben wirdt / Vnd sie vns keinen  
Priester ordinern wöllen / were besser das wir  
doch vnsern Kirchen ruhe vnd fried liessen / vnd  
nicht selbst vnter vns mit newen verendrunge  
Vnrhue / Vneinigkeith / vnd ergernis anrichten.

Denn Dieses Buch wirdt doch in vielen lan  
den vnd Stedten gewisslich nicht angenommen  
werden.

Dieweil aber die stück vnd Artickel im buch  
vngleich findt / Etlliche findt recht / Etlliche vn  
recht / Etlliche reden von haubt Artickeln des  
glaubens die alle Menschen wissen vnd verste  
hen sollen / Etlliche aber von andern sachen die  
nicht so nötigk sindt.

Wollen wir ordentlich vnser vnterthenig  
bedencken anzeygen / Vnd was recht ist / das  
wollen wir nicht Calumniose vnd Sophstice  
anfechten / Sondern klar vnd einfeltig bekens  
nen / dagegen was vnrecht ist / das sollen wir  
nicht billichen.

Der anfang des Buchs von des menschen  
schöpfung vnd fahl / Von der Erbsündt vnd  
erlösung durch Christum ist recht vnd vnstreff-  
lich / Darnach ober am vierden blat / vnter dem  
titel von der Rechtfertigung ist dieser mangel /  
das das Buch klar setzet / die lieb sey die gerecht-  
tigkeit / vnd wirdt diese meynung in den volgen-  
den blettern erholet / vñ also erkleret / Das man  
Gewisslich daraus verstehen kan / Das das  
Buch nicht eintrechtlich ist / mit der Warhafftigen  
lehr / Die durch Gottes Gnad ihn vnsern  
Kirchen gepredigt wirdt / Wie der Mensch für  
Gott vmb des Herrn Christi willen gerecht vñ  
angenehm sey durch den glauben.

Vnd wiewol das Buch spricht / durch den  
glauben kom der Mensch zu der Gerechtig-  
keit / So ist doch dieses des Buchs verstandt /  
Der glaub sey nuhr ein vorbereitung / vnd dar-  
nach sey der Mensch Gerecht durch die lieb  
wie das Buch öffentlich sagt / Darnach sey der  
Mensch Warhafftiglich Gerecht / durch die  
liebe

Vnd damit es sich weiter erkleret / spricht es /  
es sey gleychwol warer Glaub im Menschen /  
wenn er gleich in bößem gewissen lebet / Vñnd  
die liebe nicht hat.

Item von wegen der lieb sey der Mensch  
ein erb des ewigen lebens.

Das

Das alles ist im grundt die meinung der  
Mensch ist gerecht/das ist / Gott gefellig / von  
wegenn seiner lieb vnnnd werck / Wie vor dieser  
zeit die Mönch geleret haben.

Vnd wirdt in diesem Artickel / die nöttige  
lehr vom glauben verschwiegen/nemlich das/  
ob gleich lieb vnnnd gut gewissen inn vns sein sol  
vnd muss / Sindt wir doch vor Gott gerecht/  
das ist / Gott gefellig / Vmb des Heylands  
Christi willen/durch das vertrauwen auff ihn/  
vnd nicht von wegen vnser reynigkeit.

Dieser Artickel ist durch Gottes gnaden al-  
so erkleret inn vnsern Kirchen / Das wir nicht  
zweifeln / Es sindt sehr viel Menschen / Die ihn  
wol vnnnd recht verstehen / Vnnnd können dieses  
Buch wol richten.

Wir bekennen vnd lehren auch trewlich /  
Das rew vnd leydt / bekerung zu Gott / Lieb /  
guter vorsatz / Vnnnd gutt gewissen im hertzen  
sein müssen / vñ mus dieser spruch war bleyben.

Qui non diligit / Manet in morte.

Es müssen beysamen sein / viel nöttiger tu-  
gende / Glaub / lieb / Hoffnung / gut gewissen /  
gutter vorsatz etc. Wie solchs durch Gottes  
Gnaden reichlich in vnsern Kirchen gepredigt  
wirdt.

Darnach vber diese tugende / muss das  
vertrauwen

vertrauwen auff den Son Gottes sein / Wie ge-  
sagt ist / vnnnd muss die andern tugende altzeit  
vberschatten / denn alle tugende sind schwach  
inn vns / vnnnd bleibt noch viel vnreynigkeit inn  
Menschlichem hertzen in diesem leben.

Darumb müssen wir vns an den mittler her-  
gen / vnd durch ihn gnad suchen / Denn also  
spricht der Psalm. Für dir ist kein lebendiger ge-  
recht / Vnnnd Daniel. 9. spricht / Erhör vns  
nicht von wegen vnser gerechtigkeit / Sondern  
von wegen deiner Barmhertzigkeit vmb des  
HERREN willen etc.

Also sollen wir auch für Gott treten / vnnnd  
dieses vertrauwen auff den Son Gottes mit vns  
bringen / vñ wissen / das ob gleich lieb vnd ande-  
re tugende inn vns findt / vnnnd sein müssen / das  
sie dennoch zu schwach findt / vnd das vertrau-  
wen auff den Sohn Gottes stehen sol.

Vnnnd so man von eingegebener gerechtig-  
keit / (wie sie es nennen) redet / sol man diesen  
glauben vnd lebendigē vertrauwen nicht auß-  
schliessen / denn es ist der hohen vnd nöttigen  
tugenden eine / Ja dieses vertrauwen erwecket  
trost / Lieb / Anruffung / vnnnd leben im hertzen /  
wie geschrieben stehet ad Gall. 2. Das ich nuh  
lebe / lebe ich durch den glauben an den Sohn  
Gottes.

Vnnnd kan lieb vnnnd trost im hertzen nicht  
sein

sein oder bleyben / wo nicht dießer glaub / vnnnd  
dießes vertrauwen vorgehet.

Vnd ist vnbedechtig im Buch geredt / das  
man Erst warhafftiglich gerecht werde durch  
die lieb / So doch dieße gerechtigkeit / das vns  
Gott gnedigt ist / vmb des mitlers willen / vnnnd  
das der mitler vnser schwachheit decket / viel hö-  
her zu achten ist / Denn vnser eigene lieb.

Vnd so wir in der nott sindt / vnd die anruf-  
fung ein rechter ernst ist / So suchen wir nicht  
vnser liebt vnnnd eygene reynigkeit / Sondern  
erschrecken viel mehr vor vnserm grossen elende  
vnd sünden / vnd müssen trost suchen / bey dem  
eynigen Versöner / den vns Gott aus grosser  
barmhertzigkeit vnd wunderbarlicher weisheit  
furgestellt hat / Davon spricht Paulus *Iustificati fide pacem habemus.* So wir durch glaub  
ben gerecht sindt haben wir fried.

Vnd das dieße lehr gewisslich die vnwan-  
delbare stimme / vnnnd meynung des Luangeli  
sey / Inn der Kirchen Gottes von Adams zeitten  
her / das ist klar durch die gantze schrift / vnnnd  
stellet vns S. Paulus Abraham fur augen / vñ  
erklaret den spruch / Abraham gienbet Gott / vnd  
dießes ist im gerechnet zur gerechtigkeit / Das ist  
Ob wol Abraham grosse tugende hat / So ist er  
doch also fur Gott gerecht vnnnd Gott gefellig  
das er gienbet / Gott wölle ihm gnedig sein / laut  
seiner verheissung.

B

Vnd

Vnd wie wol diesser verstandt offte zu allen  
zeytten vertunckelt ist/ So ist er dennoch bey  
den verstendigen Christen blieben/ vnd bleibet  
allzeit / wie eynes yeden Gottfürchtigen ver-  
stendigen Menschen/ eygene erfahrung anzeu-  
get.

Darumb ist ein mangel ym Buch/ das es  
setzet / die Lieb sey die warhafftige Gerechtig-  
keit/ vnd tichtet/ Glaub sey nur ein wissen/ wie  
es inn Teuffeln ist.

Vnd sagt weytter/ der Mensch sey ein Erbe  
des ewigen Lebens/ Darumb das er die Lieb  
hat/ weyset also auff eygene tugenden/ vnd ge-  
schweiget diesses Trosts/ das wir glenben sol-  
len/ das Gott gewisslich alle/ die sich bekeren/  
vnd auff den Son Gottes vertrauen/ Durch  
solchen Glauben zum ewigen Leben annympt.

Das aber etliche sagen/ Wir verstehen das  
Buch nicht/ das lassen wir die richten/ die her-  
nach danon weytter Schreyben werden/ so es an  
das liecht kompt.

Vnd so mans gleich Subtil entschuldiget/  
vnd die stücklin hin vnd her zusammen lieset/ So  
ist es ym doch selb wiederwertig.

Dieweil dann diesser Artickel/ wie der  
Mensch fur Gott Berecht / vnd Gott gefellig  
sey/ allen Menschen recht bekandt sein sol/ dar-  
mit

mit dem Son Gottes seine Thre gegeben wer-  
de/vnnd die Menschen rechten trost haben/sola-  
len alle Menschen gelert vnnd yngelert helffen  
die Göttliche lehr des Euangelij / Keim vnd vna-  
wertunctelt erhalten.

Derhalben können wir nicht ratten / Das  
jemandt das Buch in diessem stücke anneme.

Ob dieweil öffentlich ist / das keiner Crea-  
tur im Himmel vnnd auff Erden gebürt / den  
wunderbarlichen Radt Gottes / im Euangelio  
offenbaret / zu endern / So wollen wir durch  
Gottes Gnaden / Auch forth hin die Lehr vom  
Glauben vnd gutten Wercken trewlich Lehren/  
wie wir sie nuhn viel Jar in diessen Kirchen ge-  
prediget vnd erkläret haben / denn also ist sie inn  
Göttlicher schrift klar außgedruckt.

## Von der Kirchen vnd Bischoffen.

**D**Im Elfften blat bis auff's achtzehende  
wirdt geredt was die Kirche Gottes sey/  
vnd von ordnung vñ gewaldt der Bischö-  
ffen / vnd sindt etliche stück eingeflicket / welche  
von Gottfürchtigen / Gelerten leutten billich  
angefochten werden.

Dieweil aber diese redē / fast biss zu ende dies-  
ses Artickels gemeine / weitlenfftige zweiffelha-  
fftige hefftige reden sindt / So wollen wir nicht  
B ij rathen /

rathen/das vnser Gnedigster Herr diesen Artikel  
streitte/ Es ist war/ Das die Kirche die versama-  
lung ist/ Der recht gleubigen/ Vnnd das man  
sich von der Kirchen nicht absündern solle/ Da-  
von ist aber die frage / Welche die recht gläubig-  
en sint.

Vnd dieweil vns zu schmach die absundes-  
rung hoch beschwert wirdt / So ist dennoch  
vnser notturfft diese antwort dagegen zuthun/  
Welche das Buch selbst bekent / Es ist Gottes  
vnwädelbar gebot/das die lehrer falsche lehr vñ  
falsche Gottes dienst straffen müssen / So nuh  
der gegen teyll der Warheit nicht weichen wol-  
te / Vnnd folgenn daraus spaltungen / So  
sindt die verfolger der Warheit vnd sonderlich/  
Jnn nöttigen wichtigen sachen vor Gott streff-  
lich/vnnd nicht die armen Gottfürchtigen leute  
te / Die die Warheit Predigen oder annemen/  
Dieses ist öffentlich/ Vnd ist der spruch Pauli/  
Dauon menicklich bekant / So ein Engel vom  
Himmel ein ander Euangelium Predigte / so  
sol er verbant sein / Das aber viel grössere yr-  
thumb vnnd mysbreuche noch zu diesser zeit/  
vom Babst vñ den seynen vertheydinget werden/  
das ist öffentlich vnd hat das Buch selbst etliche  
he yrthumb gestrafft/die doch die Concilia zu Tri-  
dent/vnd zu Bononia gesterckt haben/ Das sey  
zuentschuldigung vnserer Kirchen auff dis mal  
genugt.

Wir bitten auch vnsern Gnedigsten Herr  
ren

ren vnd eine lobliche Landtschafft/ So die Bischoffe den gehorsam haben wollen/ Das auff solche wege gedacht werde/ Das sie die Warheit nicht verfolgen/ vnd nicht abgöttische Ceremonien im Landt widerumb auffrichten.

Weitter ist vnser notturfft/ auch diesses an zuzeigen/ Wiewol wir nymandt beladen wollen/ das er sich diesser disputation/ die inn diesen Artickeln stecken/ anneme/ Den sie sindt nicht alle gleichnötigt/ vnd sindt etliche sachen/ Darzu man der alten Kirchen beständige gezeugnus bedarff/ Welche zusuchen nicht yedermans arbeit ist/ So wollen wir doch vns selbst/ vñ andern diesses vorbehalten/ Das ein yeder auff seine eygene ferlichkeit von diessen vnd andern sachen/ Christlichen vñ nützlichen bericht vnd sein eygne bekenntnuss thun sol/ Denn das Buch sagt inn diesem stück von den Concilijs vñnd die Potestate interpretationis. von gewalt der schrift auszulegen/ da ist noch viel von zureden/ Gott hat Gnediglich offentbarung geben/ von seinem wesen vnd willen/ die sollen wir hören vñ annemen/ vnd nicht wie in weltlichen Könige Reichen/ einer gewissen person gewaldt geben/ deutunge zu machen ires gefallen.

## Von Sacramenten.

**D**On der Tauff ist kein streit / Vñnd haben vnser Kirchen von der Kinder Tauff/ vnd **B**ij andern

andern anhängenden Artickeln / Christlich vnd  
nützlich gestritten / vnd guten festen grundt /  
widder mancherley yrtumb der Widdertensser  
angezeygt / vnd hat diese vnser arbeit / zuerklee-  
rung vieler Artickel nützlich gedienet.

## Von der Confirmation vnd Dlung.

**D**er Confirmation vnd Dlung / Ka-  
ten wir auch nicht zustreiten / one soniel  
die Anruffung der Deyligen belanget /  
Dauon wir hernach sagen wollen / vnd wiewol  
wir einen missgefallen daran haben / das man  
diese beyde Werck / Confirmation vnd Dlung  
also rümet / das man sie den andern Sacramen-  
ten vergleicht / vnd binden des heiligen Geistes  
Wirkung daran / vnd doch öffentlich ist /  
das sie nur zu einem scheyn also geschmückt wer-  
den / so wollen wir doch ytzundt nicht dauon  
Disputirn / Vnd befehlen solches auch / eynes  
yeden eygenem bekentnis.

Wir können aber nicht willigen inn die  
grosse Gottes Lestierung / das man vnsern Pries-  
stern solt aufflegen anzunemen ader außzuteilen  
solche Dnctiones vnd Abgöttische Consecra-  
tiones / Dauon felschlich gerümet wirdt / inn  
den Pontificalibus vñ Agenden / Das dadurch  
den Leuten / der Deylige Geist / vergebung der  
Sünden / vnd ander Gottes Gnad vnd schutz  
wider den Teuffel gegeben werde / vnd zur Selig-  
keit Leibs vnd der Seelen dienen sollen.

Von

## Von der Busse.

**V**on der Busse wissen alle verstendige das vor dieser zeit / die Mönch lehre inn diesem Artickel / Fürnemlich vol grosser yrthumb vnd blindtheit gewesen / haben keinen bestendigen trost können anzeygen / haben viel mehr dagegen gelert / Man solte alzeit in zweiffel bleibē / von vergebung der Sünde / Item haben die gewissen mit vnmäßlicher erzehlung der Sünden / vnd hernach mit viel yrthumben der gnugthuung beladen / vnd Indulgentias wolfarten vnd viel aber Glaubens angericht.

Die selbigen jrthumb vnd missbreuche haben erstlich diesen streit von der Lehre erreget / Denn Göttfürchtige / verstendige Prediger haben müssen solche grobe yrthumb vnd Gottes lesterung straffen.

Vnd ist also die Lehre von der buss durch Gottes Gnaden gründlich erkleret worden / Das alle verstendige bekennen / das die selbige Christliche erklerung / inn vnsern Kirchen recht vnd tröstlich sey / vnd zu rechter anruffung Gottes / vnd zu erkentnis des Euangeli / nützlich sey.

## Von der Beicht.

**N**och ist die Beicht Inn vnsern Kirchen / vleisigt erhalten mit guttem Vntericht /  
das

Das man die Absolution da suchen sol / denn  
wir aus großwichtigen Ursachen die Privat  
Absolution zuerhalten nötigk achten / Dieweil  
sie auch ein zeugnis ist / Das inn der Kirchen /  
vergebung der Sünden ist / vnd das die gefal-  
lene nach der Tauffe widerumb mögen angeno-  
men werden / Es ist auch recht das ein gemein  
bekentnis vnd demuth sey / Das die yeningen /  
so die Absolution begeren / Ein anzeygung ge-  
ben / Das sie sich Sünder vnd schuldig vor Got  
bekennen.

Aber daneben wollen wir / die Gewiessen  
nicht mit dieser geferlichen vnd vnnötigen last  
beladen / Das sie meinen sollen / die Sünde er-  
zelung in specie sey nötigk.

Vnd dieweil diesser Artickel aller menschen  
Gewiessen betrifft / Hatten wir auch nicht / das  
andere diesses stücke willigen.

## Von der Satisfaction.

**V**ON der Satisfaction / ist viel  
gelinder im Buch geredt / Dann vor  
zeiten inn der Mönchen Lehr / Es sindt  
aber weitleufftige reden / Die noch viel erklea-  
rung bedörffen / Darumb wir diessen Artickel  
auch eynes yedern eigenen erklerung vnd bekent-  
nis befehlen.

Vom

## Vom Sacrament des Leybs vnd Bluts Christi.

**S**IND vnser Kirchen nicht widder das Buch / So aber von yemandt weiter erklert von dießem Artickel Gefordert wirdt / den lassen wir in eygnener bekentnus darvon reden.

## Von der Priester Weyhung.

**L**assen wir vns nicht misfallen / Das sie innder Sacrament zal gerechent werde / so sie recht vñ Christlich gehalten wirdt / Vnd Wunschen das sie inn allen Landen mit grossen vleis gehalten würde / das es nicht allein ein Ceremonia vnd Spectakel were / Sondern das die ordinanden wol verbört vnd vnterwiesen würden / Vnd das bey der Ceremonia ernstliche gebot geschehen. Item das auch hernach ein vleisigt auffsehen auff die lehr vnd sitten der Priester geschehe.

## Von der Ehe.

**I**st diesser Artickel nötigk / das inn der Ehescheidung der vnschuldigen Person die ander Ehe zugelassen werde / Darumb Dasselbige stück im Buch vonn diesser mas der Ehescheydung / das sie nicht ferner / den zu Pett vnd Tische geschehen müge / nicht zuwilligen.

E Von

## Von der Mess.

**D**as Buch bekennet/ das die Mess nicht  
vergebung der Sünden verdiene/ Das  
ist war/ das sie aber hernach weytter  
sprüch auß den alten vnnnd newen Leren vom  
Opffer einfüren/ ihre Priuat Messen damit zu  
stercken/ das sindt weytleufftige reden/ vnd were  
dagegen sehr leycht guten grundt auß Augusti-  
no vnnnd andern anzuzeygen/ Das die selbige  
Sprüch/ ihre Priuat Messen vnd Opffer nichts  
angehen/ Denn ob sie es gleych ein Opffer  
nennen/ so erkleren sie sich doch selbst also/ das  
es nicht vergabung der Sünden verdiene/ Item  
auch nicht also/ das sie selbst den Son/ Gott  
dem Vatter Opffern/ denn dieses ist ein eygen  
Werck des eynigen Sons/ das er sich selbst  
Opffert/ wie der text spricht/ Heb. 9. Dieser ist  
durch sein eygen Blut inn das Heyligthumb  
getretten/ Er stehet für dem Vatter als der Ver-  
söner für vnd für/ vnd bitt für Vns/ Inn dem  
selbigen aller heymlichstem Radt/ das ist das  
Heyligthumb.

Aber vom Menschlichem Opffer reden sie  
also/ das es sey eine Dancksagung vnd gedech-  
nis/ das ist/ da man mit Glauben die erworbe-  
ne Vergabung vmb des Sons willen bittet vnd  
annympt/ vnd diese gebedt vnd Dancksagung  
sollen geschehen inn der aufsteylung vnd nies-  
sung/ wie es befohlen vnnnd eingesatzt ist/ vnnnd  
ist die Ceremonia an sich selbst ane diese Werck  
im

Im hertzen / Glaubten / Bebet / vnd Dancksagung  
kein Opffer / Das sey gnung von der alten Lerer  
reden / Davon wir zu yeder zeit mehr bericht zu  
thun vns erbietten / Vnnd nach dem / gantzer  
Christenheit / viel an diesser sachen gelegen ist /  
vnnd die Messe durch viel Irthumb inn grosse  
missbreuche gezogen / Darumb one zweyffel  
Gott die Welt straffet / wie geschrieben stehet /  
Wer vnwirdig geneuffet / der macht sich schül-  
dig am leib vnd blut Christi / solt man die War-  
heit Gott zu lob vnd dem Menschen zurseligkeit  
hrynne mit grossen ernst / suchen vnd helffen er-  
halten / vnnd ist diesses auch der Artickel einer /  
der inn gemein alle Menschen gelart vnnd vnge-  
lart betrifft / Darumb kurtzlich ytzundt auff  
diessse frage zuantworten / Ob die Privat Messen  
das ist / Messen one Communicanten widerumb  
auffzurichten sindt / ist diessse vnser antwort /  
das wir trewlich rathen / das man nicht wider-  
umb Messen one Communicanten auffrichten  
wolle / vnnd ist die vrsach klar / man solle inn der  
Kirchen / keinen Gottes Dienst ordenen vnnd  
machen / der nicht inn Gottes Wort geordenet  
vnd befohlen ist / Nuhn der brauch des Sacra-  
ments ist also geordenet / vnd nicht anders / das  
die aufsteylung vnnd nyessung geschehe wie der  
Son Gottes spricht / Nemet hin vnd Eisset etc.  
Diesses thut zu meynem Gedechtnis / Vnd ist  
also viel hundert Jar / inn der ersten Kirchen ge-  
halten worden / Darumb ist diesser erste brauch  
den Worten Christi gemess gewyslich recht  
sol erhalten werden / Vnnd sollen nicht andere

werck darinn die nicht befohlen sindt / Auff  
gericht werden.

Vnd sindt vorzeiten nicht an allen Orten  
teglliche Messen gewesen / Sondern zu Alexan  
dria als in einer grossen Stad ist die Communio  
die wochen drey mal / am Sonntag / Mitwoch /  
vnd Freytag / gehalten worden / inn vielen and  
ern Stedten / allein auff dem Sonntag vnd  
Feyertag.

Diese alte schöne gewonheit / wirt in vna  
fern Kirchen / durch Gottes gnaden mit aller re  
uerentia / mit der Predigt / Lektion / Gebot / vnd  
dancksagung gehalten ordentlich.

Vnd so man nhr ein ander werck auffri  
chten würde / Würde das ergernus viel hertza  
en verwunden / Vnd gantz von der Communio  
abschrecken.

So findt auch mehr beschwerungen an  
diesem Artickel / Von der Messe angehenget /  
Nemlich vom Canon / Deyligen anruffung /  
vnd seel Messen.

Nhun spricht der Canon öffentlich / das  
man dieses Werck halte / zur Erlösung der See  
len etc. Daraus alle vngelerten diesen verstande  
genommen / das dieses werck vergebung der Sün  
den verdiene / Welche meynung auch dem buch  
zu wider ist.

So

So findt auch andere vnformliche Rede  
im Canon / als das der Priester bittet / Gott  
wolle ihm dieses Opffer gefallen lassen / Wie  
Abels Opffer / so sie doch das Opffer vom Son  
Gottes verstehen.

Vnd in Summa / es findt so viel grauffas  
me misbrench / In der Bepflichen gewonheit  
das wir erschrecken / so wir dauon reden / Bit  
ten auch / man wolle nyemandt nicht beladen /  
mit solcher wider auffrichtunge.

### Von der Heyligen anruffung.

**D**ie Anruffung eines vnlichtbarn we  
sens / das nicht bey vns ist / gibt dem selbi  
gen wesen die ehr / Das es aller Men  
schen Hertzen vnd seufftzen erkenne vnd richten  
konne.

Diese Ehr gebüret allein Göttlichem we  
sen / Darumb ist die Heyligen Anruffung vn  
recht.

Vnd das man gleich dagegen ertichtet hat  
Gott thue ynnen besondere Offenbarung von  
solcher anruffung / das redet man one grundt /  
vnd setzen dagegen wir diesen hohen spruch /  
Du solt Gott deinen Herrn anbetten.

Das man auch saget / man ruffe sie als die  
ner vnd furbietter an / Diese antwort ist auch  
E iij nicht

nicht genugsam / Denn die anruffung an jr selbst  
ist zeugnis / Das man den vnlichtbarn für all-  
mechtig heldt.

Zum andern so sollen wir neben dem Dey-  
landt dem Son Gottes / Nicht andere mitler  
stellen.

Zum Dritten so ist Dffentlich der gantzen  
Welt / Das man die Deyligen nicht allein / zu  
mitlern gemacht / Sondern man ist viel weiter  
gangen / Man hat Besondere hülff bey yedem  
gesucht.

Diese grosse Abgötterey wirdt gesterckt / so  
man den anfang Vnd diese Anruffung behelt  
dauon das Buch saget.

Zum Vierdten / Man sol keine cultum in die  
Kirchen einfüren / Denn Gott nicht geordenet  
hat / durch sein wort / der Deyligen dienst hat  
keinen Göttlichen befeel / wie offentlich ist.

Zum Fünfften / das menschlich hertz sol vnd  
kan nicht anruffen / Wenn es nicht weis ob  
Gott solche form der Anruffung gefellich ist /  
Nuhn ist kein Gottes wort / das vns also lere  
anruffen / vnd findt dagegen / die vorbot starck /  
Welche Leren das man allein / Göttlich we-  
sen / vnd durch den mitler anruffen sol / Vnd sol  
dieser Spruch fest bleiben / Was jr den Vatter  
Bitten werdet inn meynem Namen das wirt er  
euch

euch geben / Dieser einiger Son ist vns fur ge-  
stelt als mitler / versöner / vñ fürbitter / Dagegen  
saget das Buch / Nicht allein von fürbitt / son-  
dern auch von verdienst der Heyligen / Das  
noch strefflicher ist / vñnd ist eine vnuerschembte  
lüge / das es saget / Jacob habe seine Kinder ge-  
leret / Abraham / Isaac vnd ihn anzuruffen / vñd  
deuttet den spruch Gene. >8. Sie sollen meine  
vñnd Isaac vñnd Abrahams Kinder genennet  
werden / das ist ich bezeuge das die verheissung  
die Abraham / Isaac vñnd mir zugesagt sindt /  
die sollen auff sie / als auff vnserer nachkommen  
erben / nemlich das sie gewislich ein Kirch vñ  
regiment haben werden / Vñnd werden darinn  
viel erben sein der ewigen seligkeit.

Diesen warhafftigen verstande / lest das  
Buch fallen / vñnd tichtet einen falschen / von  
der anruffung etc.

Der gleichen sindt andere mehr spruch im  
Buch vnrecht gedeutet / Aus dem allen ist  
klar / das nymandt in diesen Artickel des Buchs  
willichen soll / in welchen die Heyligen anruf-  
fung / gebotten vñd gesterckt wirt.

Aber der gantzen Kirchen Historien / von an-  
fangt biss zu ende zu wissen / Ist zu vielen sach-  
en nützlich / Das man zeugnis daraus neme /  
das Gott seine Kirch für vñd für erheldt / vñnd  
das man Gott dancksage / Das er sich in den  
heyligen geoffenbart hat.

Item

Item das wir vns mit der Deyligen Exem-  
pel vnterweissen vnd stercken.

Darzu werden der Deyligen ware Historien  
bey vns in den Predigten / offft angezogen / vnd  
den Leuten vorgetragen / Welchs wir forthin  
auch thun wollen.

## Von den Seelmessen.

**D**iese selben Messen sindt inn Clöstern vnd  
andern Kirchen schier in allen Landen /  
die gemeinsten Ceremonien / Denn sie tra-  
gen gelt / Vnd sindt viel yrthumb zugleich  
mit den Seelmessen inn die Welt eingerissen /  
Dauon yetzundt zu lang zureden ist.

Es ist aber auch ein verkerung des Sacra-  
ments / Das mans für die Todten applicirt /  
Denn das Sacrament ist eingesetzt / der Leben-  
digen Glauben damit zuerwecken vnd zu sterca-  
ken / Item zur gedechtnus etc.

Nuhn sindt die Todten nicht darbey vnd  
wirt on allen grundt geredt / Das der Priester  
innen durch diese Ceremonien etwas verdiene /  
Darumb ist dieser Artickel im Buch / Auch in  
keinem wege zuwilligen vnd der angezogene  
spruch / aus Dionisio von der begrebnis / redet  
gantz nicht von der Messe / vnd das etliche für  
die Todten gebeten haben / Gehet die Messe  
nichts an / das sey dauon auch genugt auff dis  
mal.

Von

## Von den Ceremonien.

**I**n vnsern Kirchen sindt die furnemen Ceremonien/die zu gutter ordenung dienen/ als Sontag/feste/mit gewonlichen Lectio/vnd gesangt/nicht viel geendert/wöllen auch noch die selbigen mit vleys erhalten vnnnd wo man inn solchen mitlen dingen etwas bedencken wirdt/mit gutem Radt der jenigen die die Kirchen Regieren Sollen das zu Mehrer gleichheit/vnd guter zucht dienstlich/wollen wir gern helffen einigkeit vnnnd Gutte Zucht erhalten/denn wir wollen von den selben mittel dingen nichts zancken/Souil den Christlichen brauch belanget.

Also auch irret vns nicht/man esse fleisch od der fische/Gleichwol mus man die Lehr von vnterscheit/Rechtem Gottes dienst/Vnd solchen mittlen vnnötigen dingen nicht verleschen lassen/wie sie vor diesser zeit/Schier gantz verloschen gewesen/wie Augustinus zu seiner zeit/vnd vor hundert Jaren Gerson vnd noch vor funffzig jaren/Wessalus zu Bassel/Wesalia zu Meintz/vnnnd ettliche andere sehr geklaget haben/denn ob gleich yrthum im grössern hauffen/in der Kirchen für vnnnd für sindt. So bleybet doch inn ettlichen rechte Gottes erkentnis/vnd rechte anruffung/Vnnnd besser verstandt der Göttlichen lehr/denn im grossen hauffen/vnd ist Gottes wille/das man yederman von rechten Gottes diensten trewlich vnterweyffe.

D Was

Was aber betrifft die gesenge / von den hey-  
ligen / da ist vor von gesagt / Das die anruffung  
nicht anzunemen ist.

Item dieweil wir in vnsern Kirchen das  
Sacrament nicht Teylen / So findt auch die  
Procession / darinn ein teyl getragen wirt zu vna  
terlassen.

Darzu ist gewisslich war / das Sacrament  
in irem brauch / wie sie durch Gottes Wort ge-  
ordnet findt / Warhafftige Sacrament findt /  
Nicht wenn sie zu andern frembden Wercken /  
Auffer irer einsetzung gewendet werden / Dar-  
umb ist das Spectacel inn der Procession / vna  
recht / vnnd sol nicht gesterckt oder wider auffge-  
richt werden.

Über das alles / so ist dieses auch bey den  
widersachern bekant / das Priuat Messen / Heyli-  
gen anruffung / Seelmessen vnd die Procession /  
vnnd ettliche mehr solche gewonheiten / Wenn  
sie gleich zuentschuldigen weren / Dennoch vna-  
nötigt vnnd ferlich findt / Vñ das das Exempel  
der wider auffrichtung / Die grossen yrthumb  
vnd misbreuche bey den andern stercket / vnnd  
inn diesen Kirchen widerumb einfüret / Item  
das die ergernis / viel Gottfürchtige Leute Be-  
trüben wirdt / Item das viel Verfolgung ver-  
sucht / Vnnd viel Priester vnd andere Personen  
Veriaget / Gefangen / Vnnd vielleicht getödtet  
werden.

Nuhn

Nuhn findt durch Gottes Gnaden / Diese  
Landt yetzundt / mit vielen Gottes Gaben gezie-  
ret mehr dann ander Landt / Mit Kirchen / Mit  
zimlicher Zucht / Gericht vñ recht / Mit narung /  
mit löblichen künste / Das wir nuhn Solchen  
zimlichen standt / Selbst verstoren solten / Vnnd  
darzu widder Gottes Gebott / Das können wir  
nicht rathen / Vnnd weyl Geschrieben stehet /  
was aus Gott ist das bleibet / so wirdt man ihm  
Werck befinden Das ob gleich Verenderung  
Der Kirchen ann ettlichen örthen Angefangen  
Wurde / das dennoch diese lehr / die wir Predia-  
gen inn andern Landen vnnd Kirchen bleyben  
wirdt / Vnd wirdt also das Interim wenigk ey-  
nigkeit machen.

Das man Aber Kriegt fürchtet / darauff ist  
vnser vnthernige anzeygung / Die Verschaffe  
Wirdt sich hierinnen Wolwissen Zuerinnern /  
was sie gegē den Kirchen schützhalben thun sol-  
len / Oder können / Für vnser Person / findt wir  
durch Gottes Gnaden zu Weichen vnd sunst zu  
leyden bereit.

Das wir aber nicht gelinder radten / Denn  
wie Besaget ist / ist nicht freuel oder stoltz / Son-  
dern Gottes Gebott zwinget vns / Das wir er-  
kante Wahrheit nicht verleugnen vnnd nicht ver-  
folgen sollen / So Woffen wir diese Schrift /  
werde selbst anzeygen / Das wir nicht von digni-  
teten oder Güttern streitten / Sondern Allein  
von nöttiger lehr / vnd Gottes diensten sagen.

D ij So

So wollen wir auch die herrschafft vnnnd  
andere lente nicht beladen / Mit sonderlicher  
disputation / Die nicht allein zu wissen müglich  
ist / Sondern wollen danon vns vnd andern/  
derer ampt vnd Vocatio ist / andere zu Lehren/  
dieses furbehalten haben / Das ein yeder inn ei-  
gener bekenntniss / Auff eygene ferrlichkeit da-  
von antworte.

Doch ist auch nicht vnser gemüt / etwas ne-  
wes / oder anders zu lehren / den alleine diese ei-  
nige warhafftige lehr / die durch Gottes gnade  
inn den Kirchen dieser lande / von den verstendi-  
gen vnd Gottfürchtigen eintrechtigklich gepre-  
digt wirdt / vnd in beider Vniuersiteten Leypsigk  
vnd Wittenbergk schrifftten bekant ist / Welche  
lehr wir wissen / Das sie der ewigen Catholiken  
Kirchen Gottes von anfang an / Biss auff diese  
zeit / lehr vnd verstandt ist / vnnnd ist dieses vnser  
bedencken / Darhin gericht / Das diese Kirchen  
nicht vnruhig werden / Vnnnd in Gottes anruff-  
fung vnnnd rechten Gottes Diensten Bleyben /  
Denn so die gewissen mit Ergernis verwundet  
werden / So wirdt die anruffung sehr geschwe-  
chet / Vnnnd folgen viel Sünde / verachtung vnd  
zorn wider alle Religion / Für welchen Sünden  
vns Gott gnedigklichen bewaren wolle.

Vnnnd nach dem vns newlich zugeschrie-  
ben ist / Das in der Vorrede vor dem Buch ernst-  
lich Verbotten sey / Wider dieses Interim Zu  
predigen zu Leren / oder zuschreiben / So ist die  
notturfft

notturfft in demut dieses anzuzeygen / Das wir  
die rechte lehr inn vnsern Kirchen / Wie wir bis  
anher Geprediget nicht endern Wollen / Denn  
kein Creatur / Göttliche Wahrheit zu endern  
macht hat / Auch sol nyemandt erkante War  
heit verleugnen / Dieweil das Interim in vielen  
Artickeln / die wir angezeiget haben / Der Rech  
ten Lehr zuwider ist / So Müssen wir Danon  
Warhafftige bericht vnd warnung thun / Wel  
che wir mit Christlicher Mafs thun Wollen /  
Vnnd wollen dem Almechtigen Ewigen Gott  
Vatter vnser Herrn Ihesu Christi / Vnser sehr  
lichkeit befehlen / Vnnd dieweil Gott auß vns  
aussprechlicher Güttigkeit / ihm eine ewige Kir  
che samlet / Vnnd seinen wunderbarlichen Rath  
Danon selbst vber aller Creaturn Weisheit /  
Vnnd gedancken Geoffenbaret hat / Bitten  
wir / Er wol auch die selbige seine lehr /  
allezeit selbst erhalten / vnd auch inn die  
sen landē ihm ein ewige Kirchen für  
vnd für samlen / vnd darzu selige  
Regiment verleyhen / Amen.

Finis Junij 16.

Faint, illegible text, likely bleed-through from the reverse side of the page. The text is arranged in approximately 20 lines, though the characters are too light to transcribe accurately.

174




g 4345

X2206431

MC







9 2

Gedencken auffß  
INTERIM  
Des Ehrwürdigen  
vnd Hochgelarten  
Herrn

PHILIPPI MELANTHONIS

M▷ D▷ XLVIII▷

1595. 3395